

postquam introgressi et coram data copia fandi,  
munera präferimus, nomen patriamque docemus,  
qui bellum intulerint, quae causa attraxerit Arpos. 250  
auditis ille haec placido sic reddidit ore:

"o fortunatae gentes, Saturnia regna,  
antiqui Ausonii, quae vos fortuna quietos  
sollicitat suadetque ignota lacessere bella?  
quicumque Iliacos ferro violavimus agros — 255  
mitto ea, quae muris bellando exhausta sub altis,  
quos Simois premat ille viros — infanda per orbem  
suppicia et scelerum poenas expendimus omnes,  
vel Priamo miseranda manus: scit triste Minervae  
sidus et Euboicae cautes ultiorque Caphereus. 260  
militia ex illa diversum ad litus abacti  
Atrides Protei Menelaus ad usque columnas  
exsulat, Aetnaeos vidi Cyclopas Ulixes.  
regna Neoptolemi referam versosque penates  
Idomenei, <sup>2</sup>Libyoone habitantis litore Locros? 265  
ipse Mycenaeus magnorum ductor Achivom  
coniugis infandae prima intra limina dextra  
oppetiit, devictam Asiam subsedit adulter.  
invidisse deos, patriis ut redditus aris  
coniugium optatum et pulchram Calydona viderem? 270  
nunc etiam horribili visu portenta secuntur,  
et socii amissi petierunt aethera pennis  
fluminibusque vagantur aves — heu dira meorum  
suppicia! <sup>++</sup> et scopulos lacrimosis vocibus inplent.  
haec adeo ex illo mihi iam speranda fuerunt 275  
tempore, cum ferro caelestia corpora demens  
adpetii et Veneris violavi volnere dextram.  
ne vero, ne me ad talis inpellite pugnas:  
nec mihi cum Teucris ullum post eruta bellum  
Pergama, nec veterum memini laetorve malorum. 280  
munera, quae patriis ad me portatis ab oris,  
vertite ad Aenean. stetimus tela aspera contra  
contulimusque manus: experto credite, quantus  
in clipeum adsurgat, quo turbine torqueat hastam.